


دستور



جزو رابع




معارف نظارت جايله سنك رخصتيله




استانبول

(مطبعة مامره) ده طبع اولنمشدر

۱۲۹۵





﴿ صورة منيفه خط همايون ﴾

وزير معاليه ميرم مدحت پاشا

دوات عليه مزك بر زمانلر دنبر و قوته عارض اولان تدنيات غوائل خارجه دن
زياده داخلأ اداره امورده طربق مستقيم دن انحراف اولمى سندن وتبعه نك حكومت
منبوعه لرندن امنيتلرينه كفالت ايدى جك اسبابك مائل انحطاط اولمى سندن نشأت
ايتكمكه والد ماجدم مرحوم عبدالمجيد خان مقدمه اصلاحات واحكام مقدسه شرع
شريفه موافق اوله رق عمومك امنيت جان ومال و عرض و ناموسنى معلى اولمى
اوزره تنظيمات خطنى اعلان ايتشىدى ايشته بوكونه قدر دائرة امنيتده اوله رق
بشاد يغمز و اول امنيتده استناداً بروجه سربستى تعاطى ايدى لان افكار و آرائك
نمره سى اولمى اوزره بوكون اشبو قانون اساسى بى وضع و اعلانه موفقتى تنظيمات
مذكور نك آثار خيريه سى جله سندن اولمى له مرحوم مشار اليك نامى
و موفقتى لر بى اشبو يوم مسعودده بالخاصه ابراد و كندولر بى محبى دوات عنوانه
ياد ايدرم تنظيماتك او ان تأسيسى زمانمذك اشتداد و الجا آتته موافق اولسه ايدى
شمى نشر ايتدى كمز قانون اساسى احكامنى مرحوم مشار اليك اولوقت تأسيس
واجرا ايتمى اوله جفته شبهه قلزمك كن جناب حق ملتزمك تمامى سعادت حالته ضامن
اولان بويله بر نتيجه مسعوده بى عهد سلطنته تعلىق ايتمى اولدى بى بى بى بى بى
طولا بى جناب حقه عظيم حد و تشكر ل ايدرم دوات عليه مزك احوال داخله سنجه
بالطبع واقع اولان تغيرات و مناسبات خارجه سنجه حصوله كلان توسعات جهنيله
شكل اداره حكومتك كفايتى سزلى بدهت درجه سنه وارد بى بى بى بى بى بى بى
(مقاصدمز)

مقاصد مزك ملك و ملتز ثروت طبيعه و قابليت فطريه سندن شمدي به قدر حقيقه استفاده به ممانعت ايدن اسبابك ازاله سيله صنوف تبعهك طريق ترقيا تده متحداً و متعاوناً ابلر و الملى قضيه خيريه سندن عبارت بولندي سندن بوم مقصده و وصول ايجون حكومتجه بر قاعده ساليه و منتظمهك اتخاذى اقتضا ادوب بودخى قوه حكومتك مشروع و مقبول اولان حقوقك محافظه سيله غير مشروع حرركات يعنى فرد و احديك و با افراد قيلهك نحكيم مستبدانه سندن نشأت ابد جاك خطيئات و سوء استعمالك منع و محو به و هيتتمزى تركيب ايدن اقوام مختلفهك بر هيت اجتماعيه مدنيه به لايق اولان حق و منفعت كه جلهك نعمت حریت و عدالت و مساواتدن بلا استثناء مستفيد اولريد راشبو فوائدك تأمين و تقرير به متوقف اولوب بواصلارك ما بحتاج اليه ايسه قوانين و مصالح عموميهك قاعده مشروعه مشورت و مشروطيه مربوطى امر ثابت الخيرى اولديغندن بر مجلس عمومينك لزوم تشكيلى اعلان جلو سمره دائر اولان خطمه زده بيان قلمش ايدى

اول باده تنظيمى اقتضا ايدن قانون اساسى منحيزان وزرا و صدور علماء ايله سائر رجال و مأمورين دولت عليه مزدن مركب تعيين ايديلان بر جمعيت مخصوصه ده بالذاكره ترتيب اولوب مجلس و كلام زده دخى اطرافيله تدقيق و تصديق قلمش اولغله و مواد مندرجه سى خلافت كبراي اسلاميت و سلطنت سنيه عثمانيهك حقوقه و عثمانلورك حریت و مساواته و وكلا و مأمورينك مساويت و صلاحيتنه و مجلس عمومينك حق و فوقه و محاكمك استقلال كامله و موازنه ماليهك صحنه و اداره ولايتجه حقوق مركزيتى محافظه ايله برابر توسيع مآذونيت اصولك اتخاذينه متعلق اولوب بونلرايسه احكام شرح شريفه و ملك و ملتك بوكونكى قابليت و احتياجاته مطابق و اخص آمالز اولان سعادت و ترقيات عامه فكر خيريه مساعد و موافق بولنغله عون حقه و امداد روحانيت جناب پيغمبريه استناداً اشبو قانون اساسى بى قبول و تصديق ايله طرف كزه كوندردرم الى ماشاء الله تعالى بمالك عثمانيهك هر جهتنده دستور العمل اولق اوزره اعلانيه بوكوندن اعتباراً اجراى احكامنه مباشرت و دروننده محرر و مقرر اولان قوانين و نظاماتك بر آن اول تنظيم و اتمامى ضمننده تدابير سريعه و مؤثره به مبادرت الملكر قطعيما مطلوب بزددر جناب حق ملك و ملتزك سعادت حاله چاليشانلرك مساعيسنى مظهر توفيق بيوره

في ۷ ذى الحجه سنه ۱۲۹۳


﴿ قانون اساسی ﴾

« ممالك دولت عثمانیه »

برنجی ماده دولت عثمانیه ممالك و قطعات حاضره بی و ایالات ممتازه بی محتوی و بکوجود اولغله هیچ برز مانده هیچ برسیله تفریق قبول اینمز
ایکنجی ماده دولت عثمانیه نك پای تختی استانبول شهریدر و شهر مذکورك سائر بلاد عثمانیه دن آبرو اوله رق برکونه امتیاز و معافیتی یوقدر
اوچنجی ماده سلطنت سنیه عثمانیه خلافت کبرای اسلامیه بی حازر اوله رق سلاله آل عثمان دن اصول قدیمه سی و جهله اکبر اولاده مآندر
دردنچی ماده ذات حضرت پادشاهی حسب الخلافه دین اسلامك حامیسی و بالجملة تبعه عثمانیه نك حکمدار و پادشاهیدر
بشنجی ماده ذات حضرت پادشاهینك نفس همایونی مقدس و غیر مسؤولدر
آلتنجی ماده سلاله آل عثمانك حقوق حربیه و اموال و املاك ذاتیه و مادام الحیاة تخصیصات مالیه لری تکافل عمومی نختنده در
مدنچی ماده وکلانك عزل و نصبی و رتبه و مناصب توجیهی و نشان اعطایسی و ایالات ممتازه نك شرائط امتیازیه لربنه توفیقا اجرای توجیهاتی و مسکوکات ضربی و خطبه لرده نامنك ذکر و دول اجنبیه ایله معاهدات عقدی و حرب و صلح اعلانی و قوه بریه و بحریه نك قومانداسی و حرکات عسکریه و احکام شرعیه و قانونیه نك اجراسی و دواثر اداره نك معاملاتنماتعلق نظامنامه لرك تنظیمی و مجازات قانونیه نك تخفیفی و بایعقوی و مجلس عمومینك عقد و تعطیلی و لدی الاقتضا هیئت مبعوثانك اعضاسی یکیدن انتخاب اولنق شرطیه فسخی حقوق مقدسه پادشاهی جله سندندر

﴿ تبعه دولت عثمانیه نك حقوق عمومیه سی ﴾

سکزنچی ماده دولت عثمانیه تابعینده بولسان افرادك جله سنه هر قنغی دین (و مذهب دن)



و مذهب دن اولور ایسه اولسون بلا استنسا عثمانلی تعیر اولنور و عثمانلی صفی
 قانوناً معین اولان احواله کوره استحصال واضاعه ایدیلور
 طقوزنجی ماده عثمانلورک کافه سی حربت شخصیه لرینه مالک و آخرک حقوق
 حربینه نجاوز ایتمکله مکافدر
 اوننجی ماده حربت شخصیه هر در او تعرضدن مصوندر هیچ کیسه قانونک
 تعیین ایندیکی سبب و صورتدن ماعدا بر بهانه ایله مجازات اولنه من
 اون برنجی ماده دولت عثمانیه نك دینی دین اسلامدر بواساسی وقایه ایله برابر
 آسایش خلق و آداب عمومیه بی اخلاص ایتمک شرطیله ممالک عثمانیه ده معروف
 اولان بالجله ادیانک سربستی اجراسی و جماعات مختلفه بی ویرلش اولان امتیازات
 مذهبیه نك کاکان جریانی دولتک تحت حایندهدر
 اون ایکنجی ماده مطبوعات قانون دائره سنده سربستدر
 اون اوچنجی ماده تبعه عثمانیه نظام و قانون دائره سنده تجارت و صنعت
 و فلاحت ایچون هر نوع شرکتلر تشکیله مآذونددر
 اون دردنجی ماده تبعه عثمانیه دن برویا بر قاج کشینک کرک شخصلرینه و کرک
 عمومه متعلق اولان قوانین و نظاماته مخالف کوردکلری بر ماده دن طولای ایشک
 مرجعنه عرضحال و یردکلری کبی مجلس عمومی به دخی مدعی صفتیله امضالی
 عرضحال و یرمکه و مأمورینک افعالنندن اشتکایه صلاحیتلری واردر
 اون بشنجی ماده امرتدر بس سربستدر معین اولان قانونه تبعیت شرطیله هر
 عثمانلی عمومی و خصوصی تدریسه مآذونددر
 اون التنجی ماده بالجله مکتبلر دولتک تحت نظارتنده در تبعه عثمانیه نك تربیه سی
 بر سیاق اتحاد و انتظام اوزره اولق ایچون اقتضا ایدن اسبابه تثبیت اولنده حق
 و ملل مختلفه نك امور اعتقادیه لرینه متعلق اولان اصول تعلیمیه به خلل
 کور لمیه جکدر
 اون یدنجی ماده عثمانلورک کافه بی حضور قانونده و احوال دینییه و مذهبییه دن
 ماعدا ملککک حقوق و وظائفنده متساویدر
 اون سکزنجی ماده تبعه عثمانیه نك خدمات دولته استخدام اولنق ایچون
 دولتک لسان رسمیه بی اولان ترکیبه بی بیلمری شرطدر

اون طقورنجی ماده دولت مأموریتند عموم تبعه اهلیت و قابلیتله کوره
مناسب اولان مأموریتله قبول اولنورلر
یکرمی بکرمنجی ماده تکالیف مقررہ نظامات مخصوصہ سنہ توفیقاً کافہ تبعه پینده
هرکک قدرنی نسبتجه طرح و توزیع قلنور
یکرمی برنجی ماده هرکس اصولاً متصرف اولدیغی مال و ملکدن امیندر منافع
عمومه ایچون لزومی ثابت اولدقجه و قانونی موجبجه دکر بهامی پشین ویرلدکجه
کیسه نك تصرفنده اولان ملک الله من
یکرمی ایکنجی ماده ممالک عثمانیه ده هرکک مسکن و منزلی تعرضدن مصوندر
قانونک تعیین ایلدیکی احوال دن ماعدار سیله حکومت طرفدن اخیراً هیچ کیسه نك
مسکن و منزله کیر بله من
یکرمی اوچنجی ماده یاپیله جق اصول محاکمه قانونی حکمنجه هیچ کیسه قانوناً
منسوب اولدیغی محکمه دن بشقه بر محکمه به کتمکه اجبار اولنه من
یکرمی دردنجی ماده مصادره و انفارجه و جریمه ممنوعدر فقط محاربه اتاننده
اصولاً تعیین اولنه جق تکالیف و احوال بوندن مستنادر
یکرمی بشنجی ماده بر قانونه مستند اولدقجه ویرکو و رسومات نامیله و نام آخرله
هیچ کیسه دن بر اقلجه الله من
یکرمی التنجی ماده اشکنجه و سائر هر نوع اذیت قطعاً و کلیاً ممنوعدر

﴿ وکلای دولت ﴾

یکرمی یدنجی ماده مسند صدارت و مشیخت اسلامیه طرف پادشاهیدن امنیت
بیور بلان ذاتلره احاله بیورلدیغی مثللو سائر وکلانک مأموریتلری دخی با اراده
شاهانه اجرا اولنور
یکرمی سکزنجی ماده مجلس وکلا صدر اعظمک ریاستی نختنده اوله رق عقد
اولنوب داخلی و خارجی امور مهمه نك مرجعیدر مذاکراتنده محتاج استیذان
اولانلرک قرارلری اراده سنه ابله اجرا اولنور
یکرمی طبقوزنجی ماده وکلادن هربری دائره سنه طائد اولان اموردن اجرایی
مأذونیتی نختنده بیورلنلری اصولونه توفیقاً اجرا و اجرایی و مأذونیتی نختنده اولیانلری
(صدر اعظمه)

صدر اعظمه عرض ایدر صدر اعظم دخی او مقوله، واددن مذا کره به محتاج اولمیانلرک مقتضاسنی اجرا و یا خود طرف حضرت پادشاهیدن استیذان ایدرک و محتاج مذا کره بولمیانلری مجلس و کلانک مذا کره سنه عرض ایلیدرک متعلق بیوربله حق اراده سنیه موجبجه اقتضاسنی ایضا ایلر بو مصالحک انواع ودرجاتی نظام مخصوص ابله تعیین اولنه جقدر

اوتوزنجی ماده و کلای دولت مأموریتلرینه متعلق احوال و اجرا آندن مسؤولدر اوتوز برنجی ماده مبعوثان اعضا سندن بری و یا خود بر قاجی هیئت مبعوثانک داخل دائره وظیفه سی اولان احوال دن طولانی و کلای دولتن بر ذات حق سنه مسئولیتی موجب شکایت بیان ایندیکی حالده اولاهیت مبعوثانک نظام داخلی مو جبنجه بومثلاو مو ادک هیئته حواله سی لازم کلوب کلبه جکنی مذا کره به مأمور اولان شعبه ده تدقیق اولتی اوزر مشکاتی مشعر هیئت مبعوثان رئیسنه و بر بله جک تقریر رئیس طرفندن نهایت اوج کون ظرفنده اوشعبه به کوندر بلور و بوشعبه طرفندن تحقیقات لازمه اجرا و اشتکال اولان ذات طرفندن ایضا حات کافی استحصا ل اولندقدن سکره شکایتک شایان مذا کره اولدیغنه دائر اکثریتله ترتیب اولنه حق قرار نامه هیئت مبعوثانده قرائت اولنه رقی وادی الاقنضا شکایت اولانان ذات دعوتله بالذات و یا بالواسطه و بره جکی ایضا حات استماع قلنه رقی اعضای موجوده نك ثلثان اکثریت مطلقه سبله قبول اولنور ايسه محاکمه طلبنی مشعر منضبطه سی مقام صدارته تقدیم ابله لدی العرض متعلق اوله جق اراده سنیه اوزرینه کیفیت دیوان عالی به حواله اولنور

اوتوز ایکنجی ماده وکلادن اتهام اولمیانلرک اصول محاکمه لری قانون مخصوص ابله تعیین ایلیدر جقدر

اوتوز ایشنجی ماده مأموریتلرندن خارج و صرف ذاتلرینه عائد هر نوع دعا ویده و کلانک سائر افراد عثمانیه دن اصلا فرقی یوقدر بومثلاو خصوصاتک محاکمه سی

عائد اولدیغی محاکم عمومیه ده اجرا اولنور اوتوز در دنجی ماده دیوان عالی نك دائره اتهامی طرفندن متهم اولدیغنه قرار و بریلان وکلا تبرئه ذمت ایدنجه به قدر وکلادن ساقط اولور

اوتوز بشنجی ماده وکلا ابله هیئت مبعوثان ارا سنده اختلاف اولانان ماده لردن بریک قبولنده وکلا طرفندن اصرار اولنوبده مبعوثان جانبندن اکثریت آرا ابله

وتفصلاً اسباب موجبہ پانیاہ قطعاً و مکرراً رد اید لہ یکی حالہ و کلانک تبدیلی و یا خود بخود مدت قانونیہ سہندہ انتخاب اولتی اوزرہ ہیئت مبعوثانک فسخی منحصرأ بدافتدار حضرت پادشا ہیدہ در

اوتوز التنجی مادہ مجلس عمومی منعقد اولدیغی زمانلرده ~~تحت~~ بر مخاطرہ دن و یا خود امنیت عمومی خلدن و قابہ ایچون بر ضرورت مبرمہ ظهور ایندیگی و بوبایدہ وضعنہ لزوم کورینہ جک قانونک مذاکرہ سیچون مجلسک جلب وجعنہ وقت مساعد اولدیغی حالہ قانون اساسی احکامنہ مغایر اولماق اوزرہ ہیئت وکلا طرفندن ویریلان قرارلر ہیئت مبعوثانک اجتماعیلہ ویریلہ جک قرارہ قدر بارادہ سنبہ موقتاً قانون حکم و قوتندہ در

اوتوزیدنجی مادہ وکلادن ہربری ہر نہ زمان مراد ایدر ایسہ ہیئتلرک ایکیسندہ دخی بولمقی و یا خود معیندہ کی رؤسای مأموریندن برینی طرفندن وکالہ بولندیر مق و ابراد نطقہ اعضایہ تقدم ایتک حقنی حائزدر

اوتوز سکرینجی مادہ استبضاح مادہ ایچون وکلادن برینک حضورینہ مجلس مبعوثاندہ اکثریتلہ قرار ویریلہ رک دعوت اولندقدہ یا بالذات بولنہ رق و یا خود معیندہ کی رؤسای مأموریندن برینی کوندرہ رک ابراد اولنہ جق سواللرہ جواب ویرہ جک و یا خود لزوم کورر ایسہ مسؤولیتنی اوزرینہ الہرق جوابنی تأخیر ایتک صلاحیتنی حائز اولہ جقدر

﴿ مأمورین ﴾

اوتوز طقوزنجی مادہ بالجلہ مأمورین نظاما تعین اولنہ جق شرائط اوزرہ اہل و مستحق اولدق لری مأموریتلرہ انتخاب اولنہ جقدر و بوجہلہ انتخاب اولنان مأمورلر قانوناً موجب عزل حرکتی تحقق ایندیکہ و یا کندوسی استعفا ایلدیکہ و یا خود دولتجہ بر سبب ضروری کورلدیکہ عزل و تبدیل اولنہ مز و حسن حرکت و استقامت اصحابیندن اولانلر و دولتجہ بر سبب ضروری بہ مبنی انفصال ایدنلر نظام مخصوصندہ تعین اولنہ جفی وجہلہ ترقیانہ و تقاعد و معزولیت معاشرینہ نائل اولہ جقدر

قرقنجی مادہ ہر مأمورینک وظائفی نظام مخصوص ایلہ تعین اولنہ جقدن ہر مأمور کندو وظیفہ سی دائرہ سندہ مسؤولدر

(قرق برنجی مادہ)

قرق برنجی ماده مأمورك آمرینه حرمت ورعایتی لازمه دن ایسه ده اطاعتی قانونك تعیین ابتدیی دأثریه مخصوص صدر خلاف قانون اولان اموره آمره اطاعت مسؤلیتدن قوریلغه مدار اوله من

﴿ مجلس عمومی ﴾

قرق ایکنجی ماده مجلس عمومی هیئت اعیان و هیئت مبعوثان نامرله بشقه بشقه ایکی هیئتی مختوبدر

قرق اوچنجی ماده مجلس عمومینك ایکی هیئتی هر سنه تشرین ثانی ابتدا سنده تجمع ایدر و باراراده سنیه آچیلور و مارت ابتدا سنده ینه باراراده سنیه قپانور بو هیئتلردن بری دیکرینك مجتعم بولمادیغی زمانده منعقد اوله من

قرق دردنجی ماده ذات حضرت پادشاهی دولته کورینه جک لزوم اوزرینه مجلس عمومی وقتدن اول دخی آچار ومدت معینه اجتماعنده تنقیص و یاتمید ایدر قرق بشنجی ماده مجلس عمومینك یوم کشادنده ذات حضرت پادشاهی و یا خود طرفلرندن بالوکاله صدراعظم حاضر اولدیغی و وکلای دولته ایکی هیئتک اعضای موجوده سی برلکده بولندقلری حالده رسم کشاداجرا اولوب سنه جاریه ظرفنده دولتك احوال داخلیه و مناسبات خارجیه سنه و سنه آیه ده اتخاذینه لزوم کورینه جک تدابیر و نشبثانه دأر برنطق همابون قرائت اولور

قرق التنجی ماده مجلس عمومی اعضالغنه انتخاب و یانصب اولنان ذوات مجلسک یوم کشادنده صدر اعظم حضورنده و اوکون حاضر بولنمیان اولورایسه منسوب اولدیغی هیئت مجتعم اولدیغی حالده رئیسلی حضورنده ذات حضرت پادشاهی به و وطنه صداقت و قانون اساسی احکامنه و عهده سنه تودیع اولنان وظیفه به رعایتله خلافتدن بجانب ایلیه جکنه تحلیف ایدیلور

قرق یدنجی ماده مجلس عمومی اعضاسی رأی و مطالعه بیانده مختار اوله رق بولر دن هیچ بری برکونه وعد و وعید و تعلیمات قیدی التده بولنه من و کرك و یردیی رأیلك و کرك مجلسک مذاکراتی ائاسنده بیان ابتدیی مطالعه لردن طولایی بروجله اتمام اولنه من مکرکه مجلسک نظامنامه داخلیهی خلافتده حرکت ایش بولنه من بونقدیرجه نظامنامه مذکور حکمنجه معامله کورر

فرق سازنجی ماده مجلس عمومی اعضا شدن برینک خیانت و قانون اساسی بی نقض و الغایه تصدی و ارتکاب تهملیدن برینک متهم اولدیغنه منسوب اولدیغی هیئت اعضای موجوده سنک ثلثان اکثریت مطلقه سبیله قرار و یریلور و یا خود قانوناً حبس و نفی موجب برجزا ابله محکوم اولور ایسه اعضا لقی صفتی زائل اولور و بوافعالک محاکمه سبیله مجازاتی عائد اولدیغی تحکمه طرفندن رؤیت و حکم اولور فرق طقوزنجی ماده مجلس عمومی اعضا شدن هربری رأینی بالذات اعطا ایدر و هر برینک مذاکره ده بولان بر ماده نك رد و قبولنه دائر رأی و بر مکدن اجتنابه حقی وارد

النجی ماده بر کیمسه ذکر اولنان ایکی هیئتک ایکیمسه بدن اعضا اوله من الی برنجی ماده مجلس عمومی هیئت لرینک ایکیمسه دخی مرتب اولان اعضا نك نصفندن بر زیاده حاضر بولند یقه مذاکره به مبادرت اولنه من و کافه مذاکرات ثلثان اکثریتله مشروط اولیان خصوصاً حاضره بولنان اعضا نك اکثریت مطلقه سبیله قرار گیر اولور و تساوی آرا و قوعنده رئیسک رأیی ایکی عد ایدیلور الی ایکنجی ماده بر کیمسه شخصنه متعلق دعوا شدن طولابی مجلس عمومی نك ایکی هیئتندن برینه عرض حال و بردیکی حالده اگر اولاً عائد اولدیغی مأمورین دولته و یا خود او مأمور لک تابع بولند قلمری مرجعه مراجعت ایندیکی تین ایدر ایسه عرض حالی رد اولور

اللی اوچنجی ماده مجدداً قانون تنظیمی و یا قوانین موجوده دن برینک تعدیلی تکلیفی هیئت و کلابه عائد اولدیغی کبی هیئت اعیان و هیئت مبعوثانک دخی کندو وظیفه معینه لری دائره مننده بولنان مواد ایچون قانون تنظیمی و یا خود قوانین موجوده دن برینک تعدیلی استدعا به صلاحیت لری اولغله اولجه مقام صدارت واسطه سبیله طرف شاهانه دن استبدان اولنه رق اراده سنیه متعلق پوریلور ایسه عائد اولدیغی دائره لدن و یربله جک ابضاحات و تفصیلات اوزرینه لایحه لرینک تنظیمی شورای دولته حواله اولور

اللی در دنجی ماده شورای دولته بال مذاکره تنظیم اولنه جق قوانین لایحه لری هیئت مبعوثانده بعده هیئت اعیانده تدقیق و قبول اولندقدن صکره اجرای احکامنه اراده سنیه حضرت پادشاهی متعلق پوریلور ایسه دستور العمل اولور واشبو (هیئت لک)

جامع سائر ذواتدن مناسبلری تعیین اولنور کند و طلبلریله دولجه سائر مأموریتیه تعیین اولنانلر اعضاقل مأموریتندن ساقط اولور
التمش اوچنجی ماده هیئت اعیانک اعضاقل معاشی شهریه اون بیک غروشدن
بشقہ برنام ایله خزینه دن موظف اولان اعضانک معاش ونعیمی اکر اون بیک
عروشدن دون ایسه اول مقدارہ ابلاغ اولنور و اکر اون بیک غروش و زیاده ایسه
ایضا اولنور

التمش دردنجی ماده هیئت اعیان هیئت مبعوثاندن ویریلان قوانین و موازنه
لایحه لرینی تدقیق ایله اکر بونلرده اساساً امور دینیه و ذات حضرت پادشاهینک
حقوق سنیه سنه و حریتہ و قانون اساسی احکامنه و دولانک تمامیت ملکیه سنی
و مملکتک امنیت داخلیه سنه و وطنک اسباب مدافعه و محافظه سنه و آداب عمومیه
خلل و برر برشی کور رایسه مطالعه سنک علاوه یله یا قاطع یارد و یا خود تعدیل
و تصحیح اولنقی اوزره هیئت مبعوثانه اعاده ایدر و قبول ایندیکی لایحه لری تصدیق
ایله مقام صدارتہ عرض ایلر و هیئته تقدیم اولنان عرضحالاری بالتدقیق لزوم کورر
ایسه علاوه مطالعه ایله برابر مقام صدارتہ تقدیم ایدر

❖ هیئت مبعوثان ❖

التمش بشنجی ماده هیئت مبعوثانک مقدار اعضایی تبعه عثمانیدن هرالی بیک
نفوس ذکورده برنفر اولنق اعتباریله ترتیب اولنور
التمش التنجی ماده امر انتخاب رأی خفی قاعده سی اوزرینه مؤسدر صورت
اجراسی قانون مخصوص ایله تعیین اولنه جقدر
التمش یدنجی ماده هیئت مبعوثان اعضاقله حکومت مأمورینی بر ذات عهده سنده
اجتماع ایدر من فقط وکلادن انتخاب اولنانلرک اعضاقلی مجاز درو سائر مأموریتندن
بری مبعوثلغه انتخاب اولنور ایسه قبول ایدر ایتماک یا اختیارنده در فقط قبول
ایندیکی حالده مأموریتندن انفصال ایدر

التمش سکزنجی ماده هیئت مبعوثان ایچون اعضاقله انتخابی جائز اولیانلر شونلردر
اولاتبه دوات علیه دن اولیان نانیان نظام مخصوصی موجبجه موقاً خدمت اجنبیه
امتیا زبنی حائر اولان ثالثا ترکیه بیلیان رابعاً اوتوز باشنی اکمال اینیمان خامساً حین
(انتخابده)

انتخابده برکیمسدنک خدمتکاراغنده بولنان سادسا افلاس ایله محکوم اولوبده اعاده اعتبار ایتماش اولان سابعاً سوء احوال ایله مشهر اولان ثامنا محجورینه حکم لاحق اولوبده فک حجر ایدلمیان نامعا حقوق مدینه دن ساقط اولاش اولان مائشرا تابعت اجنبیه ادعاسنده بولنان کیمسدردر بونلر مبعوث اوله مز درت سنه دن صکره اجرا اولنه حق انتخابده مبعوث اولمق ایچون ترکیه او قومق و ممکن مرتبه یازمق دخی شرط اوله جقدر

التمش طقوزنجی ماده مبعوثان انتخاب عمومیهی درت سنه ده برکره اجرا اولنور و هر مبعوثک مدت مأموریتی درت سنه دن عبارت اولوب فقط تکرار انتخاب اولتمق جائزدر

یتمشنجی ماده مبعوثلرک انتخاب هو میسنه هیئتک مبدأ اجتماعی اولان تشرین نایدن لا اقل درت ماه مقدم باشلانیلور

یتمش برنجی ماده هیئت مبعوثان اعضاسنک هربری کندیبی انتخاب ایدن دایره نک ابروجه وکیلی اولیوب عموم عثمانلولرک وکیلی حکمنده در

یتمش ایکنجی ماده منتخبلر انتخاب ایده جکلری مبعوثلری منسوب اولدقلری دایره ولایت اهالیسنندن انتخاب ایتکه مجبوردر

یتمش اوچنجی ماده بااراده سنیه هیئت مبعوثان فتح ایله طاعیدلدیغی حالده نهایت آلتی آیده مجتمع اولمق اوزره عموم مبعوثانک مجدداً انتخابنه باشلانیله جقدر

یتمش دردنجی ماده هیئت مبعوثان اعضاسنندن بری وفات ایدر و یا سباب جریه مشروعه دن برینه دوچار اولور و یا براوزون مدته مجلسه دوام ایتز

و یا خود استعفا ایدر و یا محکومیت و یا قبول مأموریت جهنیه اعضاالقدن ساقط اولور سه برینه نهایت کله جک اجتماعه یتشمک اوزره اصولی وجهله دیکری تعین اولنور

یتمش بشنجی ماده منحل اولان مبعوثلق مقاملرینه انتخاب اولنه حق اعضانک مأمور بئی کله جک انتخاب عمومی زمانه قدردر

یتمش التنجی ماده مبعوثلردن هر برینه بهر سنه اجتماع ایچون خزینه دن بکرمی بیک غروش و بریله جک و شهریه بشیک غروش معاش اعتباریله مأمورین ملکیه

نظامنه توقیقا عزیمت و هو دت خرج راهی اعطا قلنه جقدر

یتمش یدنجی ماده هیئت مبعوثان ریاستنه هیئت طرفندن اکثریتله اوچ و ایکنجی و اوچنجی ریاستلره اوچر نفرکه جمعا طقوز ذات انتخاب اولنه رق حضور شاهانه

عرض ایله بولردن بریسی ریاسته وایکیمی رئیس وکالتلرینه باراده سینه ترجیح و مأموریتلری اجرا قلاور

یتمش سکرینجی ماده هیئت مبعوثانک مذاکرانی تلمبدر فقط بر ماده مهمه دن طولایی مذاکرانی خفی طوتلق وکلا جانبدن و یا خود هیئت مبعوثانک اعضا سندن اون بش ذات طرفندن تکلیف اولاندقده هیئتک اجتماع ایندیکی محل اعضا ناک ماعداسندن تخلیه ایدیلر تکلیفک رد و یا قبولیچون اکثریت آرایه مراجعت ایدیلور یتمش طموزنجی ماده هیئت مبعوثانک مدت اجتماعیه سنده اعضا دن هیچ بری هیئت طرفندن اتهامه سبب کافی بولندیغنه اکثریتله قرار ویرلدیکه و یا خود بر جنجه و یا جنایت اجرا ایدر ایکن و یا اجرایی متعاقب طوتلدقجه توفیق و محاکمه اولنه مز سکسانجی ماده هیئت مبعوثان کنندویه حواله اولنه جق قوانین لایحه لرینی مذاکره ایله بولردن امور مالییه و قانون اساسی به تعلق ایدر ماده لری رد و یا قبول و یا خود تعدیل ایدر و مصارف عمومیه موازنه قانوننده کوسترادیکی وجهله هیئت مبعوثانده تفصیلاتیه تدقیق اولندقدن صکره مقدارینه وکلا ایله برلکده قرار ویریلور و بوکا قارشولوق اوله جق وارداتک کیفیت و کیتی و صورت توزیع و تدارکی کذلک وکلا ایله برلکده تعیین ایدیلور

❖ محاکم ❖

سکسان برنجی ماده قانون مخصوصه توفیقاً طرف دولندن نصب اولنان ویدلرینه برات شریف ویریلان حاکم لری لایحه لدر فقط استعفاری قبول اولنور حاکم لری ترقیاتی و مسلک لری و تبدیل مأموریتلری و تقاعد لری و بر جرم ایله محکومیت او زرینه عزل اولنملری دخی قانون مخصوصی حکم نه تابعدر و حاکم لری و محاکم مأمور لرینک مطلوب اولان اوصافی اشبو قانون ارا نه ایدر

سکسان ایکینجی ماده محکمه لرده هر نوع محاکمه علنا جریان ایدر و اعلاماتک نشرینه مأذونیت وارد رانجق قانوننده مصرح اسبابه مبنی محکمه محاکمینی خفی طوته بیلور سکسان اوچنجی ماده هر کس حضور محکمه ده حقوقنی محافظه ایچون لزوم کوردیکی وسائط مشروعه بی استعمال ایده بیلور

سکسان دردنجی ماده بر محکمه وظیفه سی داخلنده اولان دعوانک هر نه وسیله (ایله)

ایله او اورایسه اولسون رؤیتدن امتناع ایده من و بر کره رؤیتنه و یا خود رؤیتی
ایچون اقتضاییدن تحقیقات اولیه به باشلانقدن صکره تعطیل و یا تعویق دخی جائز
اوله من مکرکه مدعی دعوا دن کفید ایتمش اوله شوقدرکه جزایه متعلق دعاویده
حکومت عائد اولان حقوق نظامی و جهله بنه اجرا اولنور
سکسان بشنجی ماده هر دعوی عائد اولدیغی محکمه ده رؤیت اولنور اشخاص
ایله حکومت بیننده کی دعوا ردخی محاکم عمومید عائددر
سکسان التنجی ماده محکمه لر هر در لومداخلاتدن آزاده در
سکسان بدنجی ماده دعاوی شرعیه محاکم شرعیه ده و دعاوی نظامیه محاکم
نظامیه ده رؤیت اولنور
سکسان سکزنجی ماده محکمه لرک صنوف و وظائف و صلاحیتک درجات
و تقسیماتی و حکامک توظیفی قوانینه مستنددر
سکسان طقوزنجی ماده هر نه نام ایله اولور ایسه اولسون بعض مواد مخصوصه بی
رؤیت و حکم ایتمک ایچون محاکم معینه خارجنده فوق العاده بر محکمه و یا خود حکم
و بر مک صلاحیتنی حائز قومیسبون تشکیلی قطعاً جائز دکدر فقط قانوناً معین اولدیغی
وجهله تعیین مولی و تحکیم جائزدر
طقساننجی ماده هیچ بر حاکم حاکمات صفیه دولتک معاشلی بر بشقه مأموریننی
عهده سنده جمع ایده من
طقسان برنجی ماده امور جزایه ده حقوق عامه بی وقایه ده مأمور مدعی عمومیلر
بوانه حق و بونلرک وظائف و درجاتی قانون ایله تعیین قلنه جقدر

❀ دیوان عالی ❀

طقسان ایکنجی ماده دیوان عالی اوتوز اعضادن مرکبدر بونلرک اونی هیئت
اعیان و اونی شورای دولت و اونی محکمه تمیز و استیناف رؤسا و اعضاسندن قرعه
ایله تفریق و تعیین اولنهرق هیئت اعیان دائره سنده لزوم کورندکجه باراده سنیه
عقد اولنور وظیفه سی وکلا ایله محکمه تمیز رؤسا و اعضاسنک و ذات حقوق
شاهانه علیه ده حرکت و دواتی بر حال مخاطره به القایه تصدی ایلیانلرک محاکمه سبدر
طقسان اوچنجی ماده دیوان عالی ایکی به منقسم اولوب بری دائره اتهامیه و بری

دیوان حکمدر دائره اتهمیه طقوز اعضادن عبارت اولوب بونک اوچی هیئت
اعیان و اوچی دیوان تمیز و استیناف و اوچی شورای دولت اعضاسندن دیوان
مالیه اله جق اعضا بچندن قرعه ایله انتخاب اولنور
طقسان دردنجی ماده بوداره شکایت اولنان ذواتک منهم اولوب اولدیغنه
ثلثان اکثریتله قرارویرر و دائره اتهمیه ده بولنانلر دیوان حکمده بولنه من
طقسان بشنجی ماده دیوان حکم بدیسی هیئت اعیان و بدیسی دیوان تمیز
و استیناف و بدیسی شورای دولت رؤسا و اعضاسندن اولق اوزره دیوان عالی
اعضاسنک بکرمی برنفرندن مرکب اوله رق دائره اتهمیه طرفندن محاکمهی لازم
اولدیغنه قرارویرلمش دعوالر حقنده اعضای مرتبه نك ثلثان اکثریتله قطعاً
و قوانین موضوعه سنه تطبیقاً حکم ایدر و حکملری قابل استیناف و تمیز نکدر

﴿ امور مالیه ﴾

طقسان النجی ماده تکالیف دولتك هیچ بری بر قانون ایله تعیین اولند قجه وضع
و توزیع و استحصال اولنه من
طقسان بدنجی ماده دولتك بودجه سی واردات و مصارقات تقریبه سی مبین
قانوندر تکالیف دولتك وضع و توزیع و تحصیل امرنده مستند اوله جق قانون بودر
طقسان سکرنجی ماده بودجه یعنی موازنه عمومیه قانونی مجلس عمومیه ماده
بماده تدقیق و قبول اولنور واردات و مصارقات تخمینه نك مفرداتنی جامع اولق اوزره
اكا مربوط اولان جدولار نظاماً تعیین اولنان نمونه سنه توفیقاً اقسام و فصول
و مواد متعدده یه منقسم اوله رق بونلرک مذاکره سی دخی فصل فصل اجرا ایدیلور
طقسان طقوزنجی ماده موازنه عمومیه قانونی متعلق اولدیغی سنه نك دخولنده
موقع اجرا یه قونله بیلک ایچون لایحه سی هیئت مبعوثانه مجلس عمومینک کشادی
عقینده اعطا اولنور
پوزنجی ماده بر قانون مخصوص ایله معین اولد قجه اموال دولتن موازنه
خارجنده صرفیات جائز اوله من
پوز بدنجی ماده مجلس عمومینک منعقد بولند یغی ائشاده اسباب مجبره فوق
العاده دن طولای موازنه خارجنده مصرف اختیارینه لزوم قوی تحقق ایدر ایسه
(مسئولیتی)

مسؤولیتی هیئت و کلابه عائد اولاق و مجلس عمومینک کشادی عقینده اکادائر قانون لایحه سی مجلس عمومی به ویرلک اوزره اومصرفک تسویه سی ایچون اقتضا ایدن مبالغک طرف حضرت پادشاهی به عرض واستیذان ایله صادر اوله حق اراده سینه اوزرینه تدارک و صرفی جائز اولور

یوز ایکنجی ماده موازنه قانوننک حکمی برسنه به مخصوص صدر اوسنه نک خار جنده حکمی جاری اوله من انحق بعض احوال فوق العاده دن طولایی مجلس مبعوثان موازنه بی قرارلشدیر مقسزین فتح اولدیغی حالده حکمی برسنه بی تجاوز ایتماک اوزره برقرار نامه ایله وکلای دولت باراده سینه سنه سابقه موازنه نک جریان احکامی مجلس مبعوثانک کله جک اجتماعنه قدر تمید ایدرلر

یوز اوچنجی ماده محاسبه قطعه قانونی متعلق اولدیغی سنه نک وارداتندن استحصال اولنان مبالغ ایله ینه اوسنه نک مصارقاتنه وقوعبولان صرفیاتک مقدار حقیقیسنی مبین اوله رق بونک شکل و تقسیماتی دخی موازنه عمومی قانونه تمامیه مطابق اوله جقدر

یوز دردنجی ماده محاسبه قطعه قانوننک لایحه سی متعلق اولدیغی سنه نک ختامندن اعتباراً نهایت درت سنه صکره مجلس عمومی به اعطا اولنور یوز بشنجی ماده اموال دولتک قبض و صرفنه مأمور اولنلرک محاسبه لرینی رؤیت و دواژدن تنظیم اولنان سنال محاسبه لرینی تدقیق ایدرک خلاصه تدقیقات و نتیجه مطالعاتنی هر سنه برتقریر مخصوص ایله هیئت مبعوثانه عرض ایلک اوزره بر دیوان محاسبات تشکیل اولنه جقدر بودیوان هر اوج آیده بر کره احوال مالییه بی ریاست وکلا واسطه سیله باتقریر طرف حضرت پادشاهی به دخی عرض ایدر

یوز التنجی ماده دیوان محاسباتک اعضای اون ایکی کشیدن مرتب اوله حق و هربری هیئت مبعوثانندن اکثریتله عزلک لزومی تصدیق اولنمدقجه مأموریتله قید حیات ایله قالمق اوزره باراده سینه نصب اولنه جقدر

یوز یدنجی ماده دیوان محاسبات اعضای اوصافی و وظایفنک تفصیلاتی و صورت استعفا و تبدیل و ترقی و تقاعدی و افلامنک کیفیت تشکیلی بر نظام مخصوص ایله تعیین اولنه جقدر

﴿ ولایات ﴾

بوز سکرنجی ماده ولایاتک اصول اداره سی توسیع مأذونیت و تفریق وظایف
قاعده سی اوزرینه مؤسس او اوب درجائی نظام مخصوص ایله تعیین قلنه جقدر
بوز طقوزنجی ماده ولایت و او اوقضا مرکز رنده اولان اداره مجلس لر یله سنده
بر دفعه مرکز ولایته اجتماع ایدن مجلس عمومی اعضا سنک صورت انتخابی
بر قانون مخصوص ایله توسیع اولنه جقدر

بوز اونجی ماده ولایات مجالس عمومی سنک وظایفی بایله حق قانون مخصوص سنده بیان
اولنه جفی وجهله طرق و معابر تنظیمی و اعتبار صندوق لرینک تشکیلی و صنایع
و تجارت و فلاحتک تسهیلی کبی امور نافعه به متعلق مواد حقنیده و عمومه عائد
معارف و تربیتک انتشاری بولنده مذاکرانه شامل اولغله برابر تکالیف و مرتبات
میریتک صورت توزیع و استحصالنده و معاملات سائرده قوانین و نظامات
موضوعه احکامنه مخالف کوردکاری احوالک متعلق اولدیغی مقام و موقعلره
تبلیغیه تصحیح و اصلاحی ضمننده عرض و اشکاک ایتک صلاحیتنی دخی مخوی
اوله جقدر

بوز اون برنجی ماده مسقفات و مستغلات و نقود موقوفه حاصلاتک شروط
وقفیه سی و تعامل قدیمی وجهله مشروط لهنه و خیرات و مبرات صرف اولنقی
اوزره وصیت ایدیلان اموالک وصیتنامه لده محرر اولدیغی اوزره موصی لهنه
صرفنه و اموال اینامک نظامنامه مخصوصی وجهله صورت اداره سنه نظارت
ایتک اوزره هر قضاده هر ملنک برجاعت مجلسی بولنه جق و بو مجلس لر تنظیم
ایدیله جک نظامات مخصوصه سی وجهله هر ملنک منتخب افرادندن مرکب
اوله جقدر و مجالس مذکوره محالری حکومتلرینی ولایت مجالس عمومی سی
کندولرینه مرجع بیله جقدر

بوز اون ایکنجی ماده امور بلدییه در سعادت و طشهره لده بالانتخاب تشکیل
اولنه جق دوائر بلدییه مجلس لر یله اداره اولنه جق و بو دایره لرک صورت تشکیل
و وظائفی و اعضا سنک صورت انتخابی قانون مخصوص ایله تعیین قلنه جقدر
(موادشتی)

مواد شنی

یوز اون اوچنجی ماده ملکک برجهنده اختلال ظهور ابدہ جکئی مؤید آثار و امارات کورلدیکی حالدہ حکومت سنبہک او محله مخصوص اولقی اوزرہ موقتاً (ادارہ عرفید) اعلانیہ حق واردر (ادارہ عرفید) قوانین و نظامات ملکبہ نک موقتاً تعطیلندن عبارت اولوب (ادارہ عرفید) تختندہ بولنان محلات صورت اداره سی نظام مخصوص ایله تعیین اولاند جقدر حکومتک امنیتی اخلال ابتدکری اداره ضابطہ نک تحقیقات موثوقہ سی اوزرینہ ثابت اولنری نملک محروسہ شاهانه دن اخراج و تبعید اینک منحصراً ذات حضرت پادشاهینک یداقمدارنده در یوز اون در دنجی ماده عثمانلی افرادینک کافہ منجہ تحصیل معارفک برنجی مرتبہ سی مجبوری اوله حق و بونک درجات و تفرعاتی نظام مخصوص ایله تعیین قلند جقدر

یوز اون بشنجی ماده قانون اساسینک بر ماده سی بیله هیچ بر سبب و بهانه ایله تعطیل و یا اجرادن اسقاط ابدیله مز

یوز اون التنجی ماده قانون اساسینک مواد مندرجه سندن بعضیلرینک ایجاب حال ووقته کوره تغییر و تعدیلنه لزوم صحیح و قطعی کورندیکی حالدہ ذکر آتی شرائط ایله تعدیلی جائز اوله بیلور شویله که باهیئت وکلا و یا هیئت اعیان و یا هیئت مبعوثان طرفندن اشبو تعدیلہ دائر بر تکلیف وقوعبولدیغی حالدہ اولاً مجلس مبعوثانده اعضای مرتبہ نک ثلثان اکثریتیلہ قبول اولنور و قبول مجلس اعیانک کذلک ثلثان اکثریتیلہ تصدیق ابدلہ کدنصکره ارادہ سنبہدخی او مرکزده صدور ایدر ایسه تعدیلات مشروحہ دستور العمل اولور و قانون اساسینک تعدیلی تکلیف اولنان بر ماده سی بروجه مشروح مذاکرات لازمه سنک اجراییله ارادہ سنبہ سنک صدورینہ قدر حکم و قوتنی غائب اینکمکسزین مرعی الاجرا طوبیلور

یوز اون یدنجی ماده بر ماده قانونیه نک تفسیری لازم کلد کده امور عدلیه متعلق ایسه تعیین معنایی محکمہ تمیزه و اداره ملکبہ دایره شورای دولته واشبو قانون اساسیدن ایسه هیئت اعیانہ عائددر

بوزاون سکزنجی ماده الیوم دستور العمل بولنان نظامات و تعامل و عادات ایلموده وضع اولنه جوق قوانین و نظامات ایله تمهیل و یالغا اولندقجه مرعی الاجرا اوله جقدر

بوزاون طقوزنجی ماده مجلس عمومی به دأثر اولان فی ۱۰ شوال سنه ۹۳ تاریخی تعلیمات موقته نك جریان احکامی بالکبر بنجی دفعه اجتماع ایله جك مجلس عمومینك مدت انعقادیه سی ختامه قدر اولوب اندن صکره حکمی جاری دکدر فی ۷ ذی الحجه سنه ۳۹۳

﴿ هیئت اعیان نظامنامه داخلیمیدر ﴾

﴿ برنجی فصل ﴾

(رئیس و رئیس وکیلک مأمورینی و کاتیرک انتخابی)

برنجی ماده هیئت اعیانک بر رئیس و بر رئیس وکیل ایله ایکی کاتبی واردر ایکنجی ماده رئیس ایله رئیس وکیل هیئت اعیان اعضاسی ایچنده اولق اوزره طوغریدن طوغری به طرف اشرف حضرت پادشا هیدن نصب اولنور رئیس ایله رئیس وکیل برسنه ایچون منصوب اولوب هر سنه تمامنده تبدیل اولنور مدتی ختام بولاش اولانلرک تکرار نصیبی جائزدر ریاستدن و ریاست کالتندن چیقانلر اعضا لقدن ساقط اولر

اوچنجماده رئیس وکیلک وظیفه سی رئیس مقام ریاستده بولندیغی حالده اجرای و کالتدن عبارتدر

دردنجی ماده هیئت اعیانک هر سنه برنجی اجتماعنده آتی الذکر بشنجی ماده ده بیان اولنان اصول وجهله ایچلرندن کاتیرک انتخابنه قدر اعضا دن الک حدیث السن اولانلردن ایکی ذات موقفا کتبات وظیفه سنی ایفا ایله جکدر

بشنجی ماده الی ایکنجی ماده ده محرر وظائف ایله مکلف اولدقاری حالده کاتیر هیئت اعیان اعضاسی ایچندن اولق اوزره رأی خفی ایله برسنه ایچون انتخاب اولنور برنجی دفعه ده اکثریت مطلقه حاصل اولر ایسه تکرار رأی (خفی به)

خفی بہ مراجعت اولونوبینہ اکثریت مطلقہ حصولہ کما ایسہ ایکنجی دفعہ دہ یکدیگرہ نسبتلہ ال زیادہ اکثریت قرانان ایکیشر ذات حقنسدہ رأی خفی اصولی اجرا ایدیلوب ال زیادہ اکثریت قرانانلر انتخاب اولنور اوج دفعہ نك قنغیسندہ اولور ایسہ اولسون قزانديغی عدد آرا مساوی اولور ایسہ قرعہ ایله ایکیسندن بری تعیین اولنور رأی خفی صندوقنی علناً آچوب رأی ورقہ لرنده محرر اسامی بی قید و ضبط ایله نتیجہ سنی بیان ائلك اوزره اعضادن بر قاچ ذات قرعہ ایله تعیین ایدیلور و ختام معاملہ دہ نتیجہ سی طرف ریاستدن بیان اولنور و قطعاً کاتب انتخاب اولننلر در حال ایفای وظیفہ بہ مبادرت ایلرر
التنجی مادہ ہر سنبہ برنجی اجتماعدہ کاتبلرک قطعاً انتخابی عقیندہ ہیئت اعیان سکرنجی مادہ دہ بیان اولنان ایکی انجمنک انتخابنہ مبادرت ایلر

﴿ ایکنجی فصل ﴾

(انجمنلرک صورت تشکیللہ وظیفہ مأموریتلری)

بدنجی مادہ ہیئت اعیانہ حوالہ اولنان لایحہ ویا اوراقل تدقیق ہیئتک رأیلہ اول امر دہ برانجمنہ حوالہ اولنور انجمنلر علی السوبہ بشر اعضادن مرکب اولوب انجق مصلحتک درجہ اہمیتنہ کورہ ہیئتک قراریلہ بدی یا خود طقوز اعضادن ترکیب اولنہ یلور انجمن اعضاسنک انتخابی بشنجی مادہ دہ تعیین اولنان اصولہ تطبیقا اجرا اولنور
سکرنجی مادہ بدنجی مادہ موجبہ ایجابنہ کورہ انتخاب اولنہ حق انجمنلرک غیرى اولہ رق ایکی آیدہ بر کرہ تبدل ائلك اوزره بشر اعضادن مرکب ایکی انجمن تشکیل اولنوب بونلرک بری ہیئت اعیان اعضاسندن برینک ویا خود بر قاچنک اعطا ایلدکلری لایحہ لری و دیگرى ہیئت اعیانہ و بریلان عرضحاللری تدقیقہ مأمور اولور

طقوزنجی مادہ علی العموم برانجمنک اعضاسی انتخاب اولندیغی عقیندہ ایچلرندن بریسی ریاستہ و ختام مذاکراندہ دخی قلہ اللہ حق مضبطہ نك تنظیمہ اجرای نظارت ولدی الحاجہ ہیئت اعیانہ اعطای ابضاحاتہ دیگر بریسی انتخاب

اولنور بونلرك انتخابى بشجى ماده ده تعين اولنان اصوله توفيقا اجرا ايديلور
هيئت اعيان رئيسك ايستديكى انجمنه بالذات رياست ايتمكه صلاحيتى واردر
برانجمنك اجتماعنده موجود اعضائك عدد واساميسى او اجتماعك ضبطنده تصريح
قلنور واعضادن هر برى بجلسه كلديكى وقت امنى دفتر مخصوصنه قيد
ايتمكه مجبوردر

اونجى ماده انجمن مضبطه لرى هيئت عموميه ده رئيسه اعطا اولنور و هيئته
مراد ايديلور سه علنا قرائت و نسخ مطبوعه سى هر حالده اعضاى هيئته
توزيع اولنور و مستجل طوتيلان مواددن ماعدا خصوصياته بوتوزيع بدایت
مذاكره دن لاقول بركون اول وقوع و ايق لازم كلور
اون برنجى ماده هيئت اعيان اعضاسندن برى ايكي انجمنه اعضا اولديغى حالده
براونجى انجمنه اعضا اوله ماز فقط او ايكي انجمندن برينك ختاميله مضبطه سى
اعطا قلنش اولديغى تقديرده جائز اولور

❖ اونجى فصل ❖

(قانون لايحه لريله تنظيم و ياتعديل قانون تكليفلى)

اون ايكنجى ماده هيئت مبعوثاندىن هيئت اعيانه ورود ايدن قانون لايحه لرى
هيئته طلب اولنديغى حالده اول امرده علنا قرائت ايديلور بعده رئيس قانون
لايحه لريني اسباب موجهه بي حاوى تقرير ايله برابر طبع اينديروب نسخ مطبوعه سنى
اعضايه توزيع اينديرر بونلرك بدنجى ماده موجهه لازم كلان انجمنه حواله
رسميه سنى رئيس اجرا ايدر
اون اونجى ماده مجددا بر قانون تنظيمه و ياقوانين موجوده دن برينك تعديلنه
داير حكومت سنيه بر لايحه تقديمي هيئت اعيان اعضاسندن بر ويا بر قاچ ذات
تكليف ايتك ايستدكلرى حالده رئيسه اسباب موجهه بي حاوى بر تقرير اعطا
ايتك لازم كلور بوتقرير هيئت عموميه ده قرائت اولندوقدن صكره تكليفك نظر
مطالعهيہ الزوب التامسى حقنده رايه مراجعت اولنور نظر مطالعه يه التمسنه
هيئته قرار و يريلور ايسه سكرنجى ماده ده بيان اولسان انجمنه حواله ايديلور
(حواله)

حواله اولانان تکلیف حقنده انجمنک تنظیم ایلدیکي مضبوطه هیئت عمومیه به کلوب قرائت اولندوقدن و هیئجه مذاکره جریان ایلدکدن صکره رایه مراجعت اولنور اکثریت آرا ایله قبول اولنور ایسه اقتضاسنک اجراسی ایچون مقام صدارته بر مضبوطه تقدیم ایلدور

اون دردنچی ماده اون اوچنچی ماده ووجنجه مجددا تنظیم ویا تعدیل قانونه دائر واقع اولان تکلیف هیئت عمومیه اکثریت آرا ایله رد اولندیغی تقدیرده اوسنه نك مدت اجتماعیه سنده تکرار موقع مذاکره یه قونبله من

﴿ دردنچی فصل ﴾

(قانون لایحه لرینک هیئت عمومیه ده اصول مذاکرانی)

اون بشنچی ماده بر انجمنه حواله اولانان قانون لایحه سنده اساسا امور دینییه و ذات حضرت پادشاهینک حقوق سنیه سنه و حریت و قانون اساسی احکامنه و دوانک تمامیت ملکیه سنه و مملکتک امنیت داخلیه سنه و وطنک اسباب مدافعه و تحافظه سنه و آداب عمومیه به خلل و برر برشی اولوب اولدیغی انجمنجه بعدالتدقیق اویله برشی کورماز انسه لایحه نك تمامیه قبولانی و عکسی تقدیرنده یا کلیار دینی و یا خود لزوم تعدیل و تصحیحی مبین تنظیم ایلدیکي مضبوطه رئیس اعیانه اعطا و نسخ مطبوعه سی اعضای هیئته توزیع اولندوقدن صکره يوم مذاکره هیئجه تعیین اولنور

اون النجی ماده مواد مستجمله نك غیري خصوصاته ده هر قانون لایحه سی لاقول بش کون فاصله و بر ملک شرطیه آری آری ایکی دفعه کاملا قرائت و مذاکره اولندقجه قبول و یاردی حقنده اکثریت آرایه مراجعت اولنه من
اون یدنجی ماده برنجی مذاکره اول امرده قانون لایحه سنک هیئت مجموعه سی یعنی موقع مذاکره به قونبلوب قونلامسی حقنده جریان ایلرک مذاکره عمومیه ختام بولدقده رئیس طرفندن ماده بماده مذاکره اولنوب اولتامسی هیئندن سؤال اولنوب ماده لرک مذاکره سنه کچلماسنه قرار و بریلور ایسه لایحه نك هیئجه قبول اولندیغی رئیس جانبندن بیان اولنور عکسی تقدیرنده لایحه نك مواد

مندرجه‌سندن هر بری صره-سبله مذاکره اولندقدن صکره ایکنجی مذاکره به
پکیلوب پکلماسنه قرار و بریلور

اون سکرنجی ماده ایکنجی مذاکره به پکلدکده اثنای مذاکره ده هر ماده‌نک
قبول وعدم قبولی حقنده آرای هیئته مراجعت اولنه رقی اکثریتله قرار و بریلور
بعده لایحه‌نک قطعیا قبول و یاردی حقنده آرای هیئته مراجعت اولنزدن اول
اعضای هیئندن هر بری آنک قبول و یاردینی مؤید ملاحظات عومیه بیان
ایده‌یلور

اون طقوزنجی ماده واردات و مصارفات بودجه سنه و محاسبه قطعیه به
وتخصیصات ترتیبینه و منافع محلیه به حائد قوانین ایکی دفعه مذاکره قاعده‌سندن
مستثنا اولوب قطعیا قبولی ضمنده آرای هیئته مراجعت اولنقی ایچون برده
مذاکره کافیدر بو مقوله قوانینه حائد لایحه‌لر اکثریت آرایله قبول و یاردی
مواد مستعجله به دأر التنجی فصلده بیان اولنان اصوله توفیقا اجرا اولنور
یکرمنجی ماده هیئت اعیانه کلان قانون لایحه‌لرینی حل و مدافعه ایتک
ایچون مقام صدارتدن بالاستیدان تعلق ایده‌جک اراده سفیه اوزرینه وکلادن
و مستشارلردن و شورای دولت اعضاسندن اوله رقی هیئت مبعوثانده کیملر بولنش
ایسه انلردن مناسب برقاج ذات تعیین و ارسال بیوریلور

﴿ بشنجی فصل ﴾

(هیئت اعیانه و بریلان مر ضحالار)

یکرمی برنجی ماده هیئت اعیانه و بریلان مر ضحالار صاحبک امضاسبله ممضی
اولقی و شهرتبله مسکنی مر ضحالک زیرنده کوسترلک و برقاج امضایی حاوی ایسه
ایچلرندن برینک اولسون شهرتبله مسکنی تصریح ایدلک و برده صاحبی و یا اصحابی مدعی
صفتنده بولنقی شرطدر هیئت اعیانه و بریله‌جک مر ضحال رئیس کوندرلک
لازمکلور هیئت اعیان اعضاسندن برینک واسطه‌سبله رئیس اعطا ایندیرلک جائز
ایسه ده او حالده واسطه اولان ذات اعطا ایده‌جکی مر ضحال اوزرینه کندو
واسطه‌سبله ویرلدیکنی شرح و بره‌رک زیرینی امضا ایتک اقتضا ایدر جمعیتله
(کنوریلان)

کنوریلان ویا کوندریلان عرضحال رئیس طرفندن قبول اولنه من وهیئت اعیان
اعضاسندن هیچ بری طرفندن دخی رئیسه اعطا ابدیله من
یکرمی ایکنجی ماده عرضحالارک ورودی صرهمبله هر برینک اوزرینه تاریخ
ونومرو وضع اولنوب خلاصه سی دفتر مخصوصنه قید اولنور عرضحالت
نومروسی وصاحبنک اسم و شهرت ومسکنی وهیئت اعیان اعضاسندن برینک
واسطه سبله اعطا اولنش ایسه اودانک اسمی خلاصه ده کوستریلور
یکرمی اوچنجی ماده دفتره قید اولنان عرضحالار رئیس طرفندن عرضحال
انجمنه کوندریلور دیگر انجمننک تدقیقنه حواله اولنان لایحه به عائد اولان
عرضحالار دخی رئیس طرفندن طوغریدن طوغری به اوانجمنه ارسال اولنور بر
انجمنه حواله اولنان عرضحالی هیئت اعیان اعضاسندن هر قنغیسی مراد ایدر
ایسه اوانجمننک رئیسنه مراجعت ایله مطالعه ایده بیلور
یکرمی دردنجی ماده عرضحال انجمنی کلان عرضحالاری برر بر تدقیق و اوج
قسمه تقسیم ایدر برنجیسی وکلای دولتدن برینه تبلیغ اولنقی ایجاب ایدن ایکنجیسی
وکلای دولتدن برینه تبلیغیله برابر هیئت عمومیه جه تدقیقنه لزوم کورینان اوچنجیسی
وکلای دولتدن برینه ویا خود هیئت عمومیه به تبلیغ شایان اولیان عرضحالردر
برآدمک شخصندن طولایی اولوبده عائد اولدیغی مأمورین دولته ویا خود او مأموررک
منسوب اولدیغی مرجعه اول امرده مراجعت ایتدیکی تین ایدر ایسه وبردیکی
عرضحال کندیسنه ردا اولنور بر عرضحال حقنده اتخاذ اولنان قرار عرضحال
نومروسنک درجیله و تاریخیه تحریراً صاحبنه بیلدیریلور
یکرمی بشنجی ماده هر هفته عرضحال انجمنه قاچ عرضحال ورود ایدر ایسه
هر برینک نومروسی و تاریخنی وصاحبنک اسم و شهرت ومسکنی و خلاصه
استدعاسنی و انجمنه حاصل اولان نتیجه تدقیقات ایله اسباب موجب جملة سی
مبین بر جدول تنظیم اولنوب بونلرک نسخ مطبوعه سی اعضای هیئته توزیع اولنور
انجمنه کوریلان لزوم اوزرینه اتخاذ آرا ایله قرار وبردیکی حالده بر عرضحالت
بالکز نومروسی وصاحبنک اسم و شهرت ومسکنیه برده نتیجه تدقیقاتک جدول
درجیله اکثفا جاز اولور

یکرمی النجی ماده عرضحال انجمنی هر هفته کندیسنه حواله اولان عرضحالار
حقنده اجرا ایلدیکی تدقیقاتک نایجی متضمن بر تقریر تنظیم ایدر و بوتقریر هیئت

عمومیه ده قرائت موقع مذاکره قونیلان عرضحال حقنده اکثریت آرایه مراجعت
اولور

یکرمی بدنجی ماده وکلای دولندن برذاته تبلیغ اولنان عرضحال دائر نهایت
اون بش گونه قدر جواب ظهور ایتمز ایسه رئیس طرفندن باند کره تأیید و اخطار
اولنور ایکنجی اخطار کدخی جوابی کلز ایسه باب عالی یه بالمراجع اول نظارتک
بابالذات ناظری و یاخود معینی مأمور لرندن بری دعوت اولنور

﴿ التنجی فصل ﴾

(استعجال قراری)

یکرمی سکرنجی ماده بر قانون لایحه سنک و یاتکلیفی حاوی تقریرک هیئته حین
اعطاسنده مستعجل طوقلسنی وکلای دولندن بری و یاتکلیف صاحبی و یاخود
اعضای هیئندن بر دیگرى تحریراً طلب ایدمیلور بوطلبی حاوی اولان ورفهده
اسباب موجب کوسترک لازمکاور

یکرمی طقوزنجی ماده طلب تعجیل قبول وعدمقبوانی رئیس سؤال ایدرب
هیئته تعجیلی قبول اولندبغی حالده لایحه نك و یاتکلیفک ماند اولدبغی انجمنه وعائد
اولدبغی انجمن یوغیسه درحال برانجمن تشکیله اکا حواله سنه قرار ویریلور
واشبو لایحه و یاتکلیف انجمنه غیر مستعجل اولان اموره تقدیم اولنور

اونوزنجی ماده تعجیلی قرار کیر اولان لایحه و تکلیف لر هیئته کلدکده یالکز بردفعه
مذاکره اولنور اول امرده عموم مندرجاتی اوزرینه مذاکره جریان ایدوب
بعده ماده ماده مذاکره سنه یکبلوب یکلاماسنی رئیس سؤال ایدر ماده لک مذاکره سنه
ابتدار اولنسنه هیئت موافقت ایتمز ایسه اولایحه و یاتکلیف رد اولنمش اولور
حکمی تقدیرنده هر ماده نك برربرر مذاکره سنه دوام اولنور

اونوز برنجی ماده استعجال صورتی هیئته رد اولندبغی حالده لایحه نك و یا
تکلیفک مذاکره سی وقراری اصول عاده یه تطبیقاً اجرا اولنور

اونوز ایکنجی ماده مذاکره اثنا سنده تکلیف اولنان تعدیلات و علاوانک
اسباب موجب سی تکلیف صاحبی طرفندن بجملاً بیان اولنور اگر وکلای دولندن
(بری)

بری و یا خود لایحه نك و یا تكلیفك مضبوطه سنك تنظیمه نظارت ایدن ذات طلب ایدر ایسه عائد اولدیغی انجمنه حواله ایدیلور بویله بر طلب وقوع بولدیغی حواله تنظیم مضبوطه به نظارت ایدن ذات ا کادائر مطالعه سنی بیان ایلدکن صکره هیئجه نظر مطالعه به النوب التماسنه قرار ویریلور ویریلان قرار نظر مطالعه به التماسی منتج ایسه تدقیق انجمنه تکرار حواله اولور

اوتوز اوچنجی ماده لایحه نك و یا تكلیفك حاوی اولدیغی ماده را کثرت آرا ایله برر برر قبول اولندقدن صکره هیئت مجموعه سی حقنده ویریله جك قراردن اول اعضای هیئتن بری انك قبول و یاردینی مؤید ملاحظات عمومی به بیان ایده ییلور بنه قراردن اول لایحه نك و یا تكلیفك تصحیح عباره سنه لزوم کورینور ایسه اجرا اولتیق اوزره عائد اولدیغی انجمنه اعاده سی جائز در بونی انجمن طلب ایدر ایسه هر حالده اعاده اولتیق لازم کور انجمنه اعاده سی تقدیرنده بلان اخیر تصحیحات لازمه اجرا ایله لایحه صححه هیئت اعطا اولور هیئجه قرائت اولندقدن صکره لایحه جدیده نك بالکزه عباره سی موقع مذاکره به قونیلور

﴿ بدنجی فصل ﴾

(استحصال آرائك اصول وقاعده سی)

اوتوز در دنجی ماده هیئتك مذاکره سنه حواله اولنان خصوصاتك اکثریت آرا ایله قبول وعدم قبولی یارای علمی و یارای خفی ایله اولور رأی علنی اشارت مخصوصه و یا تعیین اسامی ایله اولوب اشارت مخصوصه ایاغه قالمیق و یا الی یوقاری قالدیر مقدر تعیین اسامی اوتوز بدنجی ماده ده محرر اولدیغی وجهله اوزر لرلنده اسملری مطبوع ورقه لرله رأی و بر مکدر رأی خفی دخی اوتوز طقوزنجی ماده ده بیان اولدیغی وجهله صورت خفیه ده اعطای رأی الملکدر اوتوز بدنجی ماده اشبو نظامنامه نك اوتوز البدنجی ماده سنك بدنجی ققره سبله قرق بدنجی ماده سنده بیان اولنان احوال دن ماعدا جبع خصوص صائده رئیس طرفندن آرای هیئته مراجعته بیان رأی مطلقا ایاغه قالمیق و یا الی یوقاری قالدیر مق صور تبیله اجرا اولور ویریلان قرارك نتیجه سندن حاصل اولان اکثریت و اقلیتی

تعیین و تعیینه رئیس ایله کانبلر مأمور در اکثریتك حصول وعدم حصولنده اشتباه واقع اولدیغنه حکم ایدرلر ایسه بر کردها و اصول اجرا اولور ایکنجی دفعه سنده اولکی نتیجه یی ویرر ایسه تعیین اسمی ایله رأی علنی استحصالی ایدیلور هیچ کیسه کرک برنجی دفعه ایله ایکنجی دفعه نك اره سنده و کرک ایکنجی دفعه ایله تعیین اسمی اصولنك اجرایی باینده ایراد کلامه مأ ذون اوله من

اوتوز اینجی ماده تعیین اسمی اصولنك اجرایی اولا اوتوز بشنجی ماده ده بیان اولدیغی اوزره نتیجه قرار حقنده ایکی دفعه اشتباه وقوعنده نانیاً امور مالیه و حکومتك مقتضی کوردیکی مواد مهمه به دأر قانون لایحه لری حقنده لایدر خصوصات سائر حقنده دخی طلب اولنه بیلور اثنای مذاکرانده نظامنامه داخلی احکامنه توفیق حرکتیه دعوتی متضمن مسائل ایله اعضای هیئتن بربنك ایراد کلامدن منعنه و یا تقبیحه دأر مواد مستشار بولر هر حالده اباضه قالمق و یا الی یوقاری قالدیرمق صورتیه قرار گیر اولمق لازم کاور

اوتوز بدنجی ماده تعیین اسمی اصولنك اجرایی لاقلا اعضادن عشری مقدارینك طلبنه متوقفدر فقط اباضه قالمق و یا الی یوقاری قالدیرمق صورتنك نتیجه سنده شبهه حاصل اولدیغی حالده تعیین اسمی اصولنك اجرایی ایچون اعضای هیئتن بالکز بربنك طلبی کافیدر ایشک اهنه و یا علیهنه تعیین اسمی ایله رأی و بربنك اسلمری ضبط ورقه سنه درج اولور

اوتوز سکزنجی ماده تعیین اسمی اصولی اعضای هیئت یرلی برینه اوطورمش اولدقلمری حالده مجلس خدمه سی رأی صندوقی کزدیروب اعضادن هر بری اوزرنده کندی اسمی مطبوع ایکی نوع وورقه دن یا قبول معناسنه اولان بیاض ورقه یی و یا عدم قبول معناسنه اولان قرمز یی کندیند کتوریلان صندوق ایچنده اتمقله اجرا اولور بو معامله تمام اولدقده رئیس طرفدن ختام معامله نك بیانیه برابر صندوق کتوریلوب رئیسك ماصه سی اوزرینه وضع اولمقی خدمه به تنبیه اولور صندوقی کانبله آچوب ایچنده بولان ورقه لری تعداد و نوعلرینی بشقه بشقه ضبط ایندکدن صکره نتیجه سی رئیس طرفدن بیان ایدیلور

اوتوز طقوزنجی ماده تعیین اسمی ایله استحصالی آرا اولنه جق اولدیغی حالده انك یرینه رأی خفی اصولنك اجرایی طلب ایدن اولور ایسه اجرایی هیئجه اکثریت آرا ایله قراره متوقفدر رأی خفینك تعیین اسمی ایله اولان فرقی شوقدر درک (اعضا)